

洪武京城圖志

地750.22
11-71
部三

洪武京城圖志



武京城圖志序

聖人代天理物為億兆之君師定天下之大業宅形勝之都邑不偶然也如堯舜禹都冀州湯居商周都豐鎬洛邑漢唐關中有宋居汴是皆統一海內以安黎庶此可見天降聖人而造設器定之意焉欽惟

上當元綱解紐之際會

上天更運之時應天順人特起中夏定都江左四征弗庭勝兵西上陳虜殞滅揚旗姑蘇張氏面專兵攻討中原以清掃腥羶於幽朔殄么麼

於蜀都群孽盡銷京畿已固所謂

大明當天而燭火熄也伏惟

皇上神聖聰明深謀遠畧建泰山不拔之基為萬世無窮之計詳內畧外經營邑都其龍蟠虎踞之勢長江衛護之雄群山拱翼之嚴此天地之所造設也若乃紫微臨

金闕煌煌黃道分玉街坦坦城郭延袤中衢有條六卿居左經緯以文五府處西鎮靜以武如十朝以祀忠烈十樓以待嘉賓此

星之所經制也以此觀之京師天下之本萬

輻輳重譯來庭四海之所歸依嘉民之所取正
非遠代七朝偏據一方之可侔也

皇上萬幾之暇命工繪圖頒示天下臣叨近侍之

列仰瞻

天日之光幸親斯圖不勝感戴一披而金陵形勝
了然心目之間非若前代所都徒有其名而莫
能考其實也嗚呼盛矣哉因拜手稽首繫之以
詩曰地闢天開金陵大哉帝居允諧鍾山巍巍

聖德光輝奄有九圍大江滔滔

聖德深高地載天包鍾山蒼蒼大江洋洋

聖德隆昌自西自東朔南承風車書混同

天命諄諄

聖子神孫萬萬年春愚臣拜手

聖皇萬壽天長地久

洪武二十八年冬十有二月二十二日承直郎
詹事府丞臣杜澤謹序

天地之位山川皆與區之秘定中考下河象於
金湯之同况乎

神畢

聖壤其所蓄也深則其待於今也大

聖人應期啓運故天發其藏地闢其會而體國經
野之制固有以軼豐鎬而跨兩京者矣金陵控
扼吳楚天塹繚其西北連山拱其東南而龍蟠
虎踞之勢昔人之言蓋不誣也孫吳始創居之
六朝南唐雖代有其地然而疆域之廣未極其

盛者意者天之所兆 有資於今日以啓一代

王業之隆也歟歲壬辰癸巳間天厭元德群雄

呈上龍興淮南

天戈南指吳越首入版圖乃默與

神謀即定都于是辨方正位立洪基造丕圖而郊

廓之鼎以定山若增而高水若增而深田抱環

合獻奇貢異而榮光佳氣與斗牛星紀並麗乎

太微帝車之間何其偉耶樹本既固乃命將出

師披山東下河南拔潼關而守之遂比摧幽燕



西臨汾晉入陝右盡有秦隴之地凡元之餘輝
皆來請命于

庭故交廣之墟羌僰之聚椎結卉裳之區山梯海
航咸奉琛致貢方軌畢至而

京師之壯增飾崇麗輪蹄交集絲管喧競歲時士
女填郭隘郭其宏盛氣象度越今古豈區區徧
方閨位之可媿擬哉雖然

皇上經營締構蓋已極其盛矣然而遐方遠裔未
覩其勝無以知

聖謨經綸之至爰詔禮曹命畫者貌以為圖毫分

洪武志

縷析街衢巷隧之列橋道亭臺之施名賢祠屋
之嚴邃王侯第宅之華好星陳碁布地有顯晦
而沿革不同名有古今而表著無異凡所以大
一統之規模者可以一覽而盡得之矣圖成并
浸諸梓且摹之以徧示四方使天下之人足跡
未嘗一至者皆得覩其勝槩亦若聞

和鑾之音望

屬車之塵於鉤陳豹尾間也大矣哉

皇上之英謀偉略何其深且至耶臣俊華遭際
明時庀職春坊謹拜手稽首而言曰自古聖帝

明王之有天下也若夏殷之禪繼周漢之龍興
唐宋之紹承莫不奮自西北徐起而有中土然
後始得而制東南耳

皇上不階尺土乃以吳越之疆席卷中夏求天丹
徽之域雕題金齒斷髮文身之屬莫不重譯而
至嘉禾靈草諸祥之物史不絕書

天命之所係屬如是夫

湛恩厚德亘千萬年

聖子

神孫承承繼繼以保此無窮之基覽是圖者其尚

洪武志

五

有考於斯焉承務郎右春坊右贊善臣王俊華
謹記

新山川封城圖攷

輿地志云鍾山古金陵山也縣邑之名由山而
立建康實錄云楚威王築城石頭置邑以其地
接華陽金壇之陵故號金陵於天文其星斗牛
其次星紀秦始皇三十六年以金陵為鄣郡治
故鄣三十七年東遊還過吳從江乘渡望氣者
言五百年後金陵有天子氣因鑿鍾阜斷金陵
長隴以通流至今呼為秦淮乃改金陵邑為秣
陵縣諸葛亮所謂鍾山龍蟠石城虎踞真帝王
之宅漢取三代舊制置揚州統丹陽郡所領縣

洪武志

卷之六

邑有今浙西浙東二道及浙東道之半吳晉宋
齊梁陳代加分割隋立蔣州唐以隸潤州又改
昇州管屬始隘於舊南唐建金陵府縣邑猶更
屬不常宋初為江寧府及建康府始定有江寧
上元句容溧水溧陽之地東西二百三十五里
南北四百六十里東抵鎮江東南抵常州南抵
寧國西南抵太平西抵和州西北抵真州以大
江中流為界

本朝應運肇基應天府實星紀斗牛之分且與二
統之正相協自周以來數千年間

帝聖相承以至于今豈非曆數耶

目錄

宮闕

城門

山川

壇廟

官署

學校

寺觀

橋梁

街市


樓館

倉庫

廩牧

園圃

皇城圖



宮闕

殿

奉天殿

華蓋殿

謹身殿

奉先殿

武英殿

文華殿

乾清宮

坤寧宮

柔儀殿

春和殿

文樓

武樓

文淵閣

東角門樓

西角門樓

門

奉天門

東角門

西角門

中左門

中右門

後左門

後右門

左順門

右順門

武英門

文華門

春和門

午門

左掖門

右掖門

左關門

右關門

社街門

廟街門

端門

承天門

廟左門

洪武志

社稷門

長安左門

長安右門

洪武門

東華門

東上南門

東上北門

東安門

西華門

西北門

西上南門

西上北門

西安門

玄武門

北上東門

北上西門

北安門

親賢之門

洪武志

十一

三

城門

朝陽

正陽

通濟

聚寶

三山

石城

清涼

定淮

儀鳳

鐘阜

金川

神策

太平

外城門

滄波

高橋

上方

夾岡

鳳臺

大馬象

小馴象

大安德

小安德

江東

佛寧

上元

觀音

姚坊

仙鶴

麒麟

洪武志

鍾山

一名蔣山在城東北周迴六十里高一
百五十八丈東連青龍山西接青溪南
有鍾浦下入秦淮北接雉亭山漢末有
秣陵尉蔣子文逐盜死事于此吳大帝
為立廟封曰蔣侯大帝祖諱鍾因改曰
蔣山

石頭山

按輿地志環七里一一六緣大江南抵
秦淮 山上有城因以為名吳孫權修
理因改曰石頭城今城於其上甃以磚
石雄壯險固甚得控制之勝

覆舟山

一名龍山一名龍舟山在今太平門內
教場北周迴三里高三十一丈北臨玄
武湖狀若覆舟宋武帝又改名玄武山

鷄鳴山

舊名鷄籠山在覆舟山西周迴十餘里
高三十丈狀如雞籠因名今改鷄鳴山

宋元嘉中立儒館於北郊命雷次宗居之今置國子學於山之左又建浮圖于上以祠寶誌

石灰山

在城西北三十里周迴三十里高十丈晉元帝渡江王導建幕府於此舊名幕府山上有虎跑泉仙人臺

獅子山

在儀鳳門北與馬鞍山接周迴十餘里高三十丈又舊名盧龍

國朝以其形名之

馬鞍山

在清涼門與石頭城接西臨大江高十五丈以形似得之

青龍山

在城東南二十餘里周迴二十里高九十丈

方山

一名天印山在城東南三十里周迴二十餘里高一百二十六丈四面方正如

城秦始皇鑿方山長隴為瀆入江曰秦
淮吳大帝嘗為葛玄立觀于此

聚寶山

在聚寶門外雨花臺側上多細瑪瑙石
因名聚寶山金置欽天回回監于此

牛首山

舊名牛頭山狀如牛頭因名周廻四十
餘里高一百四十丈一名天關山中有
石窟不測淺深在西南二十里劉宋南
郊壇在焉

三山

在城西南四十餘里舊三山磯周廻四
里三峯連出大江東岸高二十餘丈吳
津濟道也太白詩云三山半落青天外
即是